

ጳውሎሲ ቲሴሎንቄ አሳሰ ፃፊዳ ናምዓንሉ ኪታ ጋሳ ቆፋ

ኪሪሰቶሳ ናምዓንሉ ዩሳ ቦላ ዴንዲዳ ኦይሾይ ፓላማ መጻፊሽ ቢዳ ጊሾ ቲሴሎንቄ ዋሳ ኬላን መቶይ ዳሪ ዳሪ ቢሰ። ጳውሎሲ ቲሴሎንቄ አሳሰ ፃፊዳ ናምዓንሉ ኪታይ፡ «ጎዳ ዩሳ ጋሳሳይ ማቲሰ» ያጊያ አማኖ ቲሚርቲያ ቦላ ሚንሲዲ ኦዴሰ። ጳውሎሲ ኦዲሽ፡ ኪሪሰቶሲ ያናፔ ሲንሱ፡ «ጌላ ኡራ» ጌቲቲያ ኪሪሰቶሳ ኢዳይሳ ካሌሱዋን ሃ አላሚያ ቦላ ኢታቲሱኔ ጌላቲሱ ዳሪሽ ባና ያጊዲ ኤንታ አማኑዋ ሱሪሴሰ።

ሃዋሬይ፡ መቶይን ዋዬይ ዳሪኮካ ኤንቲ ባንታ አማኑዋን ሚናናዳ ኢኔ ኢያሪ ኢሲፊ ዴዔይሳቲ ኦሌይሳዳ፡ ኤንቲ ባንታ ዲሳሰ ኮሺያባ ዴማናው ሚኒዲ ኦሳና ማላ ቃሲ ሎዎ ኦሶ ኦሳናው ጉዬ ጎና ማላ ኤንታ ሚንሲዲ ዘሬሰ።

2 ቲሴሎንቄ ኪታ ኦይፌ ቆፋታ

ጌሎ ቆፋ 1:1-2

ጋላታኔ ዋሳ 1:3-12

ኪሪሰቶሳ ናምዓንሉ ዩሳባ ኢሜቲዳ ቲሚርቲ 2:1-17

አማኖ ዲሳ ዋጋ ቦላ ኢሜቲዳ ዘሬ 3:1-15

ኩሻ ቆፋኔ ሳርሶ 3:16-18

1 ጳውሎሲ፡ ሲላሴይኔ ፃሞቲዮሲ ቲሴሎንቄ ዋሳ ኬላን ዴዒያ፡ ያሳ አዋባኔ ጎዳ ዩሱሰ ኪሪሰቶሳባ ጊዲዳ አሳሰ ፃፊዳ ኪታ።

2 ያሳ ኑ አዋፔኔ ጎዳ ዩሱሰ ኪሪሰቶሳፔ ኦቶ ኬሃቲላይኔ ሳርቲላይ ሂንቲው ጊዳ።

ኪሪሰቶሲ ያ ዋዴ ሃናና ፒርዳ

3 ኑ ኢሻቶ፡ ሂንቲ አማኖይኔ ሂንቲ ኢሶይ ኢሱዋኔ ሃራታ ሲቁያ ሲቆይ ዳር ዲጨያ ጊሾ ኑኒ ሂሳሰ ያሳ ኡባ ዋዴ ጋላታናው ቤሴሰ። 4 ሂንቲና ጋኪዳ ጎዳኒኔ ዋዬ ኡባን ጌንጫኒኔ አማኖን ሚኒዲ ኤቁዳ ጊሾ ኑኒ ኑ ሁዔን ያሳ ዋሳ ኬላታን ሂንቲባ ማርካቲሽ ሂንቲናን ጨቁቶሰ።

5 ሂንቴ ኢያ ጊሾ ጊዲ ሜቶ ኤኪያ ያሳ ካዎቴላስ ቤሴይሳታ ጊዲዲ ታይቤታና ሜላ ያሳ ጁሎ ፒርዳስ ሃይሲ ማላ። 6 ያሳይ ቱማ ፒርዳ ፒርዳና። ያሳይ ሂንቴና ዋይሴይሳታ ቦላ ዋዬ ኤሃና። 7 ጎዳይ ዩሱሲ ባ ዋልቃማ ኪታንቸታራ፣ ታማ ላጮራ ሳሎፔ ያ ዋዴ ዋዬቲያ ሂንቴና ኑና ሼምፒሳና። 8 ቃሲ ያሳይ ባና ኤርናይሳታኔ ኑ ጎዳ ዩሱሲ ኪሪሰቶሳ ዋንጌላስ ኪቴቶናይሳታ ፒርዳና። 9 ኤንቲ ጎዳ ሲንላፊኔ ኢያ ቦንቹዋ ዋልቃፌ ሻኬቲዲ ሜሪና ቆዩዋን ፒርዳታና። 10 ሄ ጋላስ፣ ኢ ባይሳታኒኔ ባና አማኔይሳታ ኡባን ቦንቹታንዉኔ ሳቤታናው ያ ዋዴ ኑ ሂንቴው ኦዲዳ ኪታ ሂንቴ አማኒዳ ጊሾ ሂንቴ ኢያ ቦንቹይሳታ ጊዳኒኔ ሳቤይሳታ ጊዳን ዳና።

11 ኑኒ ሂንቴው ኡባ ዋዴ ያሳ ዋሴይ ሄሳሳ። ኑ ያሳይ ሂንቴና ጃጊዳ ዴቡዋስ ቤሴይሳታ ጊዲዲ ታይቤታና ሜላ ኑኒ ዋሶስ። ሂንቴ ሎያባ አላናው አሞቲያ አሙዋኔ ሂንቴ አማኖ ኦሱዋ ኢ ባ ዋልቃን ፖሎ። 12 ሄሳን ኑ ያሳኔ ኑ ጎዳ ዩሱሲ ኪሪሰቶሳ አቶ ኬሃቴላን፣ ጎዳ ዩሱሳ ሱንላ ሂንቴ ቦንቻና፤ ሂንቴናካ ኢ ቦንቻና።

2

ጌላ ኡራ

1 ኑ አሻቶ፣ ኑ ጎዳ ዩሱሲ ኪሪሰቶሳ ዩሳባኔ ኑ ኢያራ ጋሄታናው ሸቃናባስ ኑ ሂንቴና ዋሶስ። 2 ቲንቢቲን ዋይኮ ሃራ አሳፔ ሲዲዳ ቃላን ዋይኮ ኑፔ ኤኪዳ ኪታዳ ኦሊዲ፣ «ጎዳ ጋላሳይ ጋኪስ» ጊዲ ሂንቴ ዋዛናይ ዳጋሞፎኔ ዋባቆፖ። 3 ሂንቴና ኦኒካ አይ ኦኒካ ባሌላፎ። ካሴቲዲ ዉርሴላ ኡራ ጌላቴላይ ቆንጮናኔ ቆዩይ ቤሲያ ጌላ ኡራይ ዮና ዴሲሺን፣ ጎዳ ጋላሳይ ጋኬና። 4 አሲ ጎይኒያባኔ ያሳያባ ኡባ ኢ ኢፃናኔ ባና ቶቁ አላና። ሃሪ አቶሺን፣ ያሳ ኬላ ጌሊ ኡቲዲ፣ «ታኒ ያሴ» ጋና።

5 ታኒ ሂንቴራ ዴባሽ ሂንቴው ኦዲዳይሳ አኬኬኬቲ? 6 ኢ ባ ጋላሳን ያናፔ አቲን ሃራ ዮናዳ አይቤ ኢያ ቲቂያኮ ኤሬታ።

7 አሳስ ቆንጪቦና ጌላቴላ ፀራ ዋልቃይ ሃራካ ኦሌስ፣ ሺን ሃራ ኢያ ቲቂይሲ ዴባስ። ኢያ ቲቂይሲ አጌፔ ኪቻና ጋካናው ኢ ቆንጪቮና። 8 ሄሳፌ ጉዬ፣ ጌላ ኡራይ ቆንጫና፣ ሺን ጎዳ ዩሱሲ ባ ደናፔ ኬያ ሼምፑዋን ባ ቦንቸ ዩሳን ኢያ ዋቆና። 9 ጌላ ኡራይ ያላሂያ ዋልቃን ዩዲ ዋርዶ ማላታታኔ ማላሊሲያባታ

ኦሳና። 10 ሃሳዳካ፣ ጳዮስ ደዲያ አሳታ ደማ ደማ ጨመረ ኢታ ኦሶን ባሌላና። ኤንቲ ጳዩዳይ ኣሺያ ቱማ ደሲዲ ኤኮና ኢዲዳ ጊሾሳ። 11 ሃሳ ጊሾ፣ ኤንቲ ዋርዶ ጊዲያባ አማናና ማላ ያሳይ ዋልቃማ ባሌሶ ኤንታ ቦላ ዬዳና። 12 ሄሲካ፣ ቱማ አማናና አሳቲ፣ ናጋራ ኦሶን ኡፋይቲሳቲ ኡባይ ፐርዴታና ማላሳ።

አቶቴላስ ደሬቲዳ አሳታ

13 ጎዳይ ደሲያ ኑ አሻቶ፣ ኑኒ ያሳ ሂንቲ ጊሾ ኡባ ዋዴ ጋላታናው ቤሴስ። ሂንቲ አታና ማላ ያሳይ ጌሻ አያና ዋልቃን ሂንቲና ጌሻዳይሳኔ ሂንቲካ ቱማ አማኒዳይሳን ኢ ሂንቲና ባይራዳ ደሪሰ። 14 ያሳይ፣ ኑ ሂንቲው ኦዲዳ ዋንጌላ ባጋራ ሂንቲና ዪጊዳይ፣ ሂንቲ ኑ ጎዳ ዬሱስ ከሪሰቶሳራ ኢሲፌ ቦንቹታናሳ። 15 ሂዛ፣ ኑ አሻቶ፣ ማኒዲ ኤቁቲ። ኑኒ ሂንቲና ኑ ደናን ጊዲን ዋይኮ ዳብዳቢያን ጊዲን ታማርሲዳ ቲሚርቲያ ኦይኪቲ።

16-17 ያሳይ ኑ አዋይ ኑና ደሴስ። ኢ ኑስ ኬሃ፤ ኢ ማሪና ማንሌሶኔ ሎዎ ኡፋይሳ ኑስ አሚስ። ሂንቲ ኡባ ዋዴ ሎዎባ ኦሳናዉኔ ኦይታናው ኢ ማንሌሳና ማላኔ ማዳና ማላ ኑ ጎዳ ዬሱስ ከሪሰቶሳኔ ያሳ ኑ አዋ ዋሶስ።

3

ኑስ ዋሲቲ

1 ዉርሴሳን ኑ አሻቶ፣ ጎዳ ቃላይ ሂንቲ ጊደን ኤሌሲዲ ዳልጋናዳኔ ቦንቹታናዳ ኑስ ዋሲቲ። 2 ሃሳዳካ፣ አሲ ኡባይ ቃላ ሲዲዲ አማናና ጊሾ ያሳይ ጌላታፔኔ ኢታ አሳታፔ ኑና አሻና ማላ ኑስ ዋሲቲ።

3 ሺን ጎዳይ አማኔቲዳይሳ፤ ኢ ሂንቲና ማንሌሳናኔ ያላሄፔ ናጋና። 4 ኑኒ ሂንቲና ከቲይሳ ሃዲካ ሲንፋፌካ ሂንቲ ኦሳናይሳስ ጎዳን ኑኒ አማኔቶስ።

5 ጎዳይ ሂንቲ ዋዛና ያሳ ሲቁዋኮኔ ከሪሰቶሳ ዳንዳዓኮ ካሌሶ።

ኦሶ ቢሎና ደዲቲ

6 ኑ አሻቶ፣ ሂንቲ ኑፔ ኤኪዳ ከታ ካሎናይሳታፔኔ ኦሶ ቢሊያ አዛላ አማኒያ አሳታፔ ሂንቲ ሻኬታናዳ ጎዳ ዬሱስ ከሪሰቶሳ ስንፋን ሂንቲና ከቶስ። 7 ኑዳ ሃኒዲ ደናው ቤሴይሳ ሂንቲ፣ ሂንቲ ሁዔን ኤሬታ። ኑኒ ሂንቲራ ደዲያ ዋዴ ኦሶ ቢሊቦኮ። 8 ኑኒ ኦዴፌካ ካሊ ማላ ሚቦኮ። ኑስ ዳንዳዔቲዳ ማላ ቃማኔ

ጋላስ ኦሊ ደቡሪዲ ዳዲዳ፤ ኣቲን ኦዴሰካ ቶሆ ገዲቦኩ።
9 ኦኒ ሄሳ ኦሊዳይ፣ ሂንቲው ሌሚሶ ገዲናሳፊ ኣቲን ሂንቲፊ
ማዳ ኣይቻናው ኦስ ማቲ ጳዪና ገዲና። 10 ኦ ሂንቲራ ዳዲያ
ዋዳካ፣ «ኦላናው ኮዮና ኣሲ ኦኒካ ሞፖ» ያገዲ ከቲዳ።

11 ኦኒ ሄሳ ገዲይ፣ ሂንቲ ገዲን ኢሲ ኢሲ ኣዛላቲ
ዳዲይሳ ሰዲዳ ገሾሳ። ሄ ኣሳቲ ጌልሶናባን ጌሊዲ ሃራታ ኦሶ
ቢሊሶሶና፤ ኣቲን ኣይኮካ ኦሶኮና። 12 ኦኒ ሄሳ ማላ ኣሳቲ ማራ
ዳዲ ዳናዳኔ ባንታና ኮሺያባ ኦሊዲ ዳማናዳ ጎዳ ዩሱስ ከሪሰቶሳ
ሱንላን ኤንታ ከቶሲኔ ዘርሰ።

13 ሺን ኦ ኣሻቶ፣ ሎዎ ኦሶ ኦላናው ኣዛሎፊ። 14 ሃዲ ኦኒ
ሃ ዳብዳቢያን ከቲዳ ከታሰ ከቲቶና ኣሲ ኦኒካ ዳዲኮ ሄ ኡራ
ኤሪ። ኢ ዩላታና ማላ ኢያ፤ ሻኬቲ። 15 ሺን ኢያ ኣሻዳ
ሴሪ፤ ኣቲን ሞርኬዳ ጸሎፊ።

ወርሴላ ሳርታ

16 ሳር ኢሚያ ጎዳይ፣ ባ ሁዔን ሂንቲው ኡባ ዋዴኔ ኡባ ባጋራ
ሳር ኢሞ። ጎዳይ ሂንቲ ኡባራ ገዲ።

17 ታኒ ጳወሎሲ፣ ሃ ከታ ታ ኩሺን ፃፋሰ። ታ ከታ ኡባሰ
ማላይ ሃይሳ፤ ታኒ ሄሳዳ ፃፋይሰ።

18 ኦ ጎዳ ዩሱስ ከሪሰቶሳ ኣጼ ኬሃቴላይ ሂንቲ ኡባራ ገዲ።

ኦራሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022

c35d6c73-3843-5482-b53e-7559d35deee5